


十三經註

0412
479
74



明
口 12
疏
卷

唐明皇製

孝經

芋栗園藏板

東坡

波
21
74

原序

唐明皇

製

朕聞上古其風朴略雖因心之孝已萌而資
敬之禮猶簡及乎仁義既有親譽益著聖人
知孝之可以教人也故因嚴以教敬因親以
教愛於是以順移忠之道昭矣立身揚名之
義彰矣子曰吾志在春秋行在孝經是知孝
者德之本歟經曰昔者明王之以孝理天下
也不敢遺小國之臣而况於公侯伯子男乎

孝經

原序

一

稽古叢

朕嘗三復斯言景行先哲雖無德教加於百姓庶幾廣愛形于四海嗟乎夫子沒而微言絕異端起而大義乖况泯絕於秦得之者皆煨燼之末濫觴於漢傳之者皆糠粕之餘故魯史春秋學開五傳國風雅頌分爲四詩去聖逾遠源流益別近觀孝經舊註踳駁尤甚至於跡相祖述殆且百家業擅專門猶將十室希升堂者必自開戶牖攀逸駕者必騁味

軌轍是以道隱小成言隱浮僞且傳以通經爲義義以必當爲主至當歸一精義無二安得不翦其繁蕪而撮其樞要也韋昭王肅先儒之領袖虞翻劉邵抑又次焉劉炫明安國之本陸澄譏康成之註在理或當何必求人今故特舉六家之異同會五經之旨趣約文敷暢義則昭然分註錯經理亦條貫寫之琬琰庶有補於將來且夫子談經志取垂訓雖

五孝之用則別而百行之源不殊是以一章之中凡有數句一句之內意有兼明具載則文繁略之又義闕今存於疏用廣發揮

孝經

唐明皇註

開宗明義章第一

仲尼居曾子侍子曰先王有至德要道以順天下民用和睦上下無怨汝知之乎

仲尼孔子字居謂閑居曾子孔子弟子侍謂侍坐孝者德之至道之要也言先代聖德之王能順天下人心行此至要之化則

上下臣人和睦無怨

曾子避席曰參不敏何足以知之

參曾子名也禮師有問避席起答敏達也

言參不達何足知此至要之義

子曰夫孝德之本也教之所由生也復坐吾

語汝

人之行莫大於孝故為德本教即從孝而

生曾參起對故使復坐

身體髮膚受之父母不敢毀傷孝之始也

父母全而生之已當全而歸之故不敢毀

傷

立身行道揚名於後世以顯父母孝之終也

言皆立身行此孝道自然名揚後世光顯

其親故行孝以不毀為先揚名為後

夫孝始於事親中於事君終於立身大雅云

無念爾祖聿脩厥德

言行孝以事親為始事君為中忠孝道著
乃能揚名榮親故曰終於立身也詩大雅
也無念念也聿述也厥其也義取恒念先
祖述脩其德

天子章第二

子曰愛親者不敢惡於人敬親者不敢慢於
人愛敬盡於事親而德教加於百姓刑於四
海蓋天子之孝也甫刑云一人有慶兆民賴

之

不敢惡於人博愛也不敢慢於人廣敬也
刑法也君行博愛廣敬之道使人皆不慢
惡其親則德教加被天下當為四夷之所
法則也蓋猶略也孝道廣大此略言之甫
刑即尚書呂刑也一人天子也慶善也十
億曰兆義取天子行孝兆人皆賴其善

諸侯章第三

在上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保其社稷而其民人蓋諸侯之孝也詩云戰戰兢兢如臨深淵如履薄冰

諸侯列國之君貴在人上可謂高矣而能不驕則免危也費用約儉謂之制節慎行禮法謂之謹度無禮爲驕奢泰爲溢列國

皆有社稷其君主而祭之言富貴常在其身則常爲社稷之主而人自和平也戰戰恐懼兢兢戒慎臨深恐墜履薄恐陷義取爲君恒須戒懼

卿大夫章第四

非先王之法服不敢服非先王之法言不敢道非先王之德行不敢行是故非法不言非道不行口無擇言身無擇行言滿天下無口

過行滿天下無怨惡三者備矣然後能守其宗廟蓋卿大夫之孝也詩云夙夜匪懈以事一人

服者身之表也先王制五服各有等差言卿大夫遵守禮法不敢僭上偪下法言謂禮法之言德行謂道德之行若言非法行非德則虧孝道故不敢也非法不言非道不行謂言必守法行必遵道言行皆遵法

道所以無可擇也禮法之言焉有口過道德之行自無怨惡三者服言行也禮卿大夫立三廟以奉先祖言能備此三者則能長守宗廟之祀夙早也懈惰也義取為卿大夫能早夜不惰敬事其君也

士章第五

資於事父以事母而愛同資於事父以事君而敬同故母取其愛而君取其敬兼之者父

也故以孝事君則忠以敬事長則順忠順不
失以事其上然後能保其祿位而守其祭祀
蓋士之孝也詩云夙興夜寐無忝爾所生

資取也言愛父與母同敬父與君同兼之
者言事父兼愛與敬也移事父孝以事於
君則爲忠矣移事兄敬以事於長則爲順
矣能盡忠順以事君長則常安祿位永守
祭祀忝辱也所生謂父母也義取早起夜

寐無辱其親也

庶人章第六

用天之道分地之利謹身節用以養父母此
庶人之孝也

春生夏長秋歛冬藏舉事順時此用天道
也分別五土視其高下各盡所宜此分地
利也身恭謹則遠恥辱用節省則免饑寒
公賦既克則私養不闕庶人爲孝唯此而

故自天子至於庶人孝無終始而患不及者未之有也

始自天子終於庶人尊卑雖殊孝道同致而患不能及者未之有也言無此理故曰未有

三才章第七

曾子曰甚哉孝之大也

參聞行孝無限高卑如知孝之為大也

子曰夫孝天之經也地之義也民之行也

經常也利物為義孝為百行之首人之常德若三辰運天而有常五土分地而為義也

天地之經而民是則之

天有常明地有常利言人法則天地亦以孝為常行也

則天之明因地之利以順天下是以其教不肅而成其政不嚴而治

法天明以為常因地利以行義順此以施政教則不待嚴肅而成理也

先王見教之可以化民也

見因天地教化人之易也

是故先之以博愛而民莫遺其親陳之以德義而民興行先之以敬讓而民不爭導之以

禮樂而民和睦示之以好惡而民知禁詩云赫赫師尹民具爾瞻

君愛其親則人化之無有遺其親者陳說德義之美為眾所慕則人起心而行之先之以敬讓則人化而不爭導之於禮樂以檢其跡以正其心則和睦矣示好以引之示惡以止之則人知有禁令不敢犯也赫赫明盛貌也尹氏為太師周之三公也義

取大臣助君行化人皆瞻之也

孝治章第八

子曰昔者明王之以孝治天下也不敢遺小國之臣而況於公侯伯子男乎故得萬國之
懽心以事其先王

言先代聖明之王以至德要道化人是為
孝理小國之臣至卑者耳王尚接之以禮
況於五等諸侯是廣敬也萬國舉其多也

言行孝道以理天下皆得懽心則各以其
職來助祭也

治國者不敢侮於鰥寡而況於士民乎故得
百姓之懽心以事其先君

理國謂諸侯也鰥寡國之微者君尚不敢
輕侮況知禮義之士乎諸侯能行孝理得
所統之懽心則皆恭事助其祭享也

治家者不敢失於臣妾而況於妻子乎故得

人之懽心以事其親

理家謂卿大夫臣妾家之賤者妻子家之貴者卿大夫位以材進受祿養親若能孝理其家則得小夫之懽心助其奉養

夫然故生則親安之祭則鬼享之是以天下和平災害不生禍亂不作

夫然者上孝理皆得懽心則存安其榮沒享其祭上敬下懽存安沒享人用和睦以

致太平則災害禍亂無因而起

故明王之以孝治天下也如此詩云有覺德行四國順之

言明王以孝為理則諸侯以下化而行之故致如此福應覺大也義取天子有大德行則四方之國順而行之

聖治章第九

曾子曰敢問聖人之德無以加於孝乎

卷之五

十

信古書

稽古樓

參問明王孝理以致和平又問聖人德教更有大於孝不

子曰天地之性人為貴人之行莫大於孝孝莫大於嚴父嚴父莫大於配天則周公其人

也人為貴貴其異於萬物也莫大於孝孝者德之本也萬物資始於乾人倫資父為天故孝行之大莫過尊嚴其父也謂父為天

雖無貴賤然以父配天之禮始自周公故

曰其人也

昔者周公郊祀后稷以配天宗祀文王於明堂以配上帝是以四海之內各以其職來祭夫聖人之德又何以加於孝乎

后稷周之始祖也郊謂園丘祀天也周公攝政因行郊天之祭乃尊始祖以配之也明堂天子布政之宮也周公因祀五方上

帝於明堂乃尊文王以配之也君行嚴配之禮則德教刑於四海海內諸侯各修其職來助祭也又何以加於孝言無大於孝者

故親生之膝下以養父母曰嚴聖人因嚴以教敬因親以教愛聖人之教不肅而成其政不嚴而治其所因者本也

親猶愛也膝下謂孩幼之時也言親愛之

心生於孩幼比及年長漸識義方則日加尊嚴能致敬於父母也聖人因其親嚴之心敦以愛敬之教故出以就傅趨而過庭以教敬也抑搔癢痛懸衾篋枕以教愛也聖人順羣心以行愛敬制禮則以施政教亦不待嚴肅而成理也本謂孝也

父子之道天性也君臣之義也

父子之道天性之常加以尊嚴又有君臣

之義

父母生之續莫大焉

父母生子傳體相續人倫之道莫大於斯

君親臨之厚莫重焉

謂父為君以臨於己恩義之厚莫重於斯

故不愛其親而愛他人者謂之悖德不敬其

親而敬他人者謂之悖禮

言盡愛敬之道然後施教於人違此則於

德禮為悖也

以順則逆民無則焉

行教以順人心今自逆之則下無所法則

也

不在於善而皆在於凶德雖得之君子不貴

也

善謂身行愛敬也凶謂悖其德禮也言悖

其德禮雖得志於人上君子之不貴也

君子則不然言思可道行思可樂德義可尊
作事可法容止可觀進退可度以臨其民是
以其民畏而愛之則而象之故能成其德教
而行其政令詩云淑人君子其儀不忒

不然不悖德禮也思可道而後言人必信
也思可樂而後行人必悅也立德行義不
違道正故可尊也制作事業動得物宜故
可法也容止威儀也必合規矩則可觀也

進退動靜也不越禮法則可度也君行六
事臨撫其人則下畏其威愛其德皆放象
於君也上正身以率下下順上而法之則
德教成政令行也淑善也忒差也義取君
子威儀不差為入法則

紀孝行章第十

子曰孝子之事親也居則致其敬養則致其
樂病則致其憂喪則致其哀祭則致其嚴五

者備矣然後能事親

致其敬謂平居必盡其敬致其樂謂就養能致其懽致其憂謂色不滿容行不正履致其哀謂擗踊哭泣盡其哀情致其嚴謂齋戒沐浴明發不寐五者闕一則未為能事親者居上不驕為下不亂在醜不爭居上而驕則亡為下而亂則刑在醜而爭則兵三者不除雖日用三牲之養猶為不孝也

居上不驕當莊敬以臨下也為下不亂當恭謹以奉上也醜眾也爭競也在醜不爭當和順以從眾也則兵謂以兵刃相加三牲太牢也孝以不毀為先言上三事皆可亡身而不除之雖日致太牢之養固非孝也

五刑章第十一

子曰五刑之屬三千而罪莫大於不孝要君

無上非聖人者無法非孝者無親此大亂之道也

五刑謂墨劓剕宮大辟也條有三千而罪之大者莫過不孝君者臣之稟命也而敢要之是無上也聖人制作禮樂而敢非之是無法也善事父母為孝而敢非之是無親也言人有上三惡豈唯不孝乃是大亂之道

廣要道章第十二

子曰教民親愛莫善於孝教民禮順莫善於悌移風易俗莫善於樂安上治民莫善於禮言教人親愛禮順無加於孝悌也風俗移易先入樂聲變隨人心正由君德正之與變因樂而彰故曰莫善於樂禮所以正君臣父子之別明男女長幼之序故可以安上化下也

禮者敬而已矣

敬者禮之本也

故敬其父則子悅敬其兄則弟悅敬其君則臣悅敬一人則千萬人悅所敬者寡而悅者衆此之謂要道也

居上敬下盡得懽心故曰悅也

廣至德章第十三

子曰君子之教以孝也非家至而日見之也

教以孝所以敬天下之為人父者也教以悌所以敬天下之為人兄者也教以臣所以敬天下之為人君者也詩云愷悌君子民之父母非至德其孰能順民如此其大者乎

言教不必家到戶至日見而語之但行孝於內其化自流於外舉孝悌以為教則天下之為人子弟者無不敬其父兄也舉臣道以為教則天下之為人臣者無不敬其

君也愷樂也悌易也義取君以樂易之道
化人則爲天下蒼生之父母也

廣揚名章第十四

子曰君子之事親孝故忠可移於君事兄悌
故順可移於長居家理故治可移於官是以
行成於內而名立於後世矣

以孝事君則忠以敬事長則順君子所居
則化故可移於官也脩此三德於內各自

傳於後代

諫諍章第十五

曾子曰若夫慈愛恭敬安親揚名則聞命矣
敢問子從父之令可謂孝乎

事父有隱無犯又敬不違故疑而問之

子曰是何言與是何言與

有非而從成父不義理所不可故再言之

昔者天子有爭臣七人雖無道不失其天下

孝經

和古林

諸侯有爭臣五人雖無道不失其國大夫有爭臣三人雖無道不失其家士有爭友則身不離於令名父有爭子則身不陷於不義故當不義則子不可以不爭於父臣不可以不爭於君故當不義則爭之從父之令又焉得為孝乎

降殺以兩尊卑之差爭謂諫也言雖無道為有爭臣則終不至失天下亡家國也令

善也益者三友言受忠告故不失其善名父失則諫故免陷於不義不爭則非忠孝

感應章第十六

子曰昔者明王事父孝故事天明事母孝故事地察

王者父事天母事地言能敬事宗廟則事天地能明察也

長幼順故上下治

孝經

十九卷古書

君能尊諸父先諸兄則長幼之道順君人之化理

天地明察神明彰矣

事天地能明察則神感至誠而降福佑故

曰彰也

故雖天子必有尊也言有父也必有先也言有兄也宗廟致敬不忘親也

父謂諸父兄謂諸兄皆祖考之胤也禮君

燕族人與父兄齒也致敬不忘言能敬事

宗廟則不敢忘其親也

脩身慎行恐辱先也

天子雖無上於天下猶脩持其身謹慎其

行恐辱先祖而毀盛業也

宗廟致敬鬼神著矣

事宗廟能盡敬則祖考來格享於克誠故

曰著也

孝悌之至通於神明光於四海無所不通

能敬宗廟順長幼以極孝悌之心則至性通於神明光於四海故曰無所不通

詩云自西自東自南自北無思不服

義取德教流行莫不服義從化也

事君章第十七

子曰君子之事上也進思盡忠退思補過將順其美匡救其惡故上下能相親也詩云心

乎愛矣遐不謂矣中心藏之何日忘之

上謂君也進見於君則思盡忠節君有過失則思補益將行也君有美善則順而行之匡正也救止也君有過惡則正而止之下以忠事上上以義接下君臣同德故能相親遐遠也義取臣心愛君雖離左右不謂為遠愛君之志恒藏心中無日蹙忘也

喪親章第十八

子曰孝子之喪親也哭不偯禮無容言不文服美不安聞樂不樂食旨不甘此哀戚之情也

生事已畢死事未見故發此事不哀謂氣竭而息聲不委曲無容謂觸地無容言不文不為文飾服美不安謂不安美飾故服緘麻不樂謂悲哀在心故不樂也旨美也不甘美味故蔬食水飲哀戚之情謂上六

句

三日而食教民無以死傷生毀不滅性此聖人之政也

不食三日哀毀過情滅性而死皆虧孝道故聖人制禮施教不令至於殞滅

喪不過三年示民有終也

三年之喪天下達禮使不肖企及賢者俯從夫孝子有終身之憂聖人以三年為制

者使人知有終竟之限也

為之棺槨衣衾而舉之陳其簠簋而哀感之
擗踊哭泣哀以送之卜其宅兆而安措之為
之宗廟以鬼享之春秋祭祀以時思之

周尸為棺周棺為槨衣謂歛衣衾被也舉
謂舉屍內於棺也簠簋祭器也陳奠素器
而不見親故哀感也男踊女擗祖載送之
宅墓穴也兆塋域也葬事大故卜之立廟

耐祖之後則以鬼禮享之寒暑變移益用
增感以時祭祀展其孝思也

生事愛敬死事哀感生民之本盡矣死生之
義備矣孝子之事親終矣

受敬哀感孝行之始終也備陳死生之義
以盡孝子之情

孝經

禮古

--	--	--	--	--	--	--	--	--	--	--

爾雅

晉懷柔

字梁園

晉郭璞註

爾雅

芋栗園藏板

原序

晉郭璞註

夫爾雅者所以通詁訓之指歸敘詩人之興
詠總絕代之離詞辯同實而殊號者也誠九
流之津涉六藝之鈐鍵學覽者之潭奧摘翰
者之華苑也若乃可以博物不惑多識於鳥
獸草木之名者莫近於爾雅爾雅者蓋興於
中古隆於漢氏豹鼠旣辯其業亦顯英儒瞻
聞之士洪筆麗藻之客靡不欽玩耽味爲之

爾雅序

卷首

一
晉書

義訓璞不揆樛昧少而習焉沈研鑽極二九
載矣雖注者十餘然猶未詳備竝多紛謬有
所漏略是以復綴集異聞會粹舊說考方國
之語采謠俗之志錯綜樊孫博關羣言劔其
瑕礫舉其蕭根事有隱滯援據徵之其所易
了闕而不論別爲音圖用祛未寤輒復擁篲
清道企望塵躅者以將來君子爲亦有涉乎
此也

爾雅卷之一

晉 郭 璞 註

釋詁第一

初哉首基肇祖元胎俶落權輿始也

肇音兆

尚書曰三月哉生魄詩曰令終有俶又曰
俶載南畝又曰訪予落止又曰胡不承權
輿胚胎未成亦物之始也其餘皆義之常
行者耳此所以釋古今之異言通方俗之

爾雅釋詁

卷之一

音古婁

殊語

林丞天帝皇王后辟公侯君也

詩曰有壬有林又曰文王烝哉其餘義皆

通見詩書

弘廓宏溥介純夏憺厖墳嘏丕弈洪誕戎駿

假京碩濯許宇穹壬路淫甫景廢壯豕簡釗

販啞將業蓆大也嘺音呼厖音茫嘏音假許音吁穹音窮釗音皐販音

板啞音陟蓆音席

詩曰我受命溥將又曰亂如此憺為下國

駿厖湯孫奏假王公伊濯許謨定命有壬

有林厥聲載路既有淫威廢為殘賊爾土

宇販章緇衣之蓆兮廓落宇宙穹隆至極

亦為大也劉義未聞尸子曰此皆大有十

餘名而同一實

憺厖有也

二者又為有也詩曰遂憺大東

爾雅釋詁

卷之二

二

音古雙

爾雅

卷之一

和木

迄臻極到赴來弔艘格戾懷摧詹至也弔音艘

音宗讀屈
摧音崔

齊楚之會郊曰懷宋曰屈詩曰先祖于摧

又曰六日不詹詹摧皆楚語方言云

如適之嫁徂逝往也

方言云自家而出謂之嫁猶女出為嫁

賚貢錫畀予貺賜也畀音秘
予上聲

皆賜與也

儀若祥淑鮮省臧嘉令類緜殼攻穀介徽善

也鮮省並上聲緜音林
殼勾去聲徽音灰

詩曰儀刑文王左傳曰禁禦不若詩曰永

錫爾類我車既攻介人維藩大妣嗣徽音

省緜殼未詳其義餘皆常語

舒業順敘也

皆謂次序

舒業順敘緒也

爾雅釋詁

卷之一

三

音五婁

四者又為端緒

怡懌悅欣衍喜愉豫愷康妣般樂也

愉音俞
愷音凱

妣音端般音
盤樂音洛

皆見詩

悅懌愉釋賓協服也

皆謂喜而服從

適遵率循由從自也

適音
率音

自猶從也

適遵率循也

三者又為循行

靖惟漠圖詢度咨諏究如慮謨猷肇基訪謀

也

度音鐸
諏音汙

國語曰詢于八虞咨于二虢度于閔天謀

于南宮諏于蔡原訪于辛尹通謂謀議耳

如肇所未詳餘皆見詩

典彝法則刑範矩庸恒律戛職秩常也

彝音
夷音

爾雅釋詁

卷之一

四

音古婁

不牙
甲音

庸戛職秩義見詩書餘皆謂常法耳

柯憲刑範辟律矩則法也

詩云伐柯伐柯其則不遠論語曰不踰矩

辜辟戾臯也

辟音闕
臯音罪

皆刑罪

黃髮覲齒鮐背耆老壽也

覲音倪鮐音
台耆音狗

黃髮髮落更生黃者覲齒齒墮更生細者

鮐背背皮如鮐魚耆猶耆也皆壽考之通稱

允孚亶展謹誠亮詢信也

謹音辰

方言云荆吳淮泗之間曰展燕岱東齊曰
謹宋衛曰詢亦皆見詩

展謹允慎亶誠也

轉相訓也詩曰慎爾優游

謔浪笑敖戲謔也

爾雅釋詁

卷之一

五

音古書

謂調戲也見詩

粵于爰曰也

書曰土爰稼穡詩曰對越在天王子出征

爰粵于也

轉相訓

爰粵于那都繇於也

那音羅於音烏

左傳曰棄甲則那那猶今人云那那也書

曰皋陶曰都繇辭於乎皆語之韻絕

攷邵盍翕仇偶妃匹會合也

攷音閣邵音配合妃音配

皆謂對合也

仇讎敵妃知儀匹也

詩云君子好仇樂子之無知實維我儀國

語亦云丹朱馮身以儀之讎猶儔也廣雅

云讎輩也

妃合會對也

皆相當對

妃媿也媿皮去聲

相偶媿也

紹肩嗣續纂綏績武係繼也綏音

詩曰下武維周綏見釋水餘皆常語

氣諡溢蟄慎貉謚顛頤密寧靜也氣音戲諡音侍貉音

陌謚音密顛音擬頤音委

氣顛頤未聞其義餘皆見詩傳

隕碩湮下降墜標蕭落也隕碩俱音溫湮音因標標上聲蕭音

零

碩猶隕也方俗語有輕重耳湮沈落也標

蕭見詩

命令禧眡祈請謁訊誥告也眡音軫告音谷

禧未聞禮記曰眡於鬼神

永悠迥違遐闊遠也揚音

書曰邊矣西土之人

永悠迥遠遐也

爾雅釋詁

卷之一

七

省古婁

遐亦遠也轉相訓

虧壞圯坳毀也壞音怪圯音起坳音鬼

書曰方命圯族詩曰乘彼坳垣虧通語耳

矢雉引延順薦劉繹尸旅陳也

禮記曰尸陳也雉順劉皆未詳

尸職主也

左傳曰殺老牛莫之敢尸詩曰誰其尸之

又曰職為亂階

尸案也

謂案地

案寮官也

官地為案同官為寮

績緒采業服宜貫公事也

論語曰仍舊貫餘皆見詩書

永羨引延融駿長也羨音樣

宋衛荆吳之間曰融羨所未詳

爾雅釋詁 卷之一 八 稽古樓

喬嵩崇高也

皆高大貌左傳曰師叔楚之崇也

崇充也

亦為充盛

犯奢果毅尅捷功肩堪勝也

尅音克

陵犯誇奢果毅皆得勝也左傳曰殺敵為

果肩即尅耳書曰西伯堪黎

勝肩戡劉殺克也

戡音堪

轉相訓耳公羊傳曰克之者何殺之也

劉獮斬刺殺也

獮音劉 刺音次

書曰咸劉厥敵秋獵曰獮應殺氣也公羊

傳曰刺之者何殺之也

豐豐蠱沒孟敦勗劬勉也

豐音尾 蠱音密 劬音

招劬音邵 勗音泯

詩曰豐豐文王蠱沒猶黽勉書曰茂哉茂

哉方言云周鄭之間相勸勉為勗劬孟未

聞

驚務昏啓強也驚音務啓音

馳驚事務皆自勉強書曰不昏作勞啓不

畏死

印吾台予朕身甫余言我也印音昂台音怡

印猶缺也語之轉耳書曰非台小子古者貴賤皆自稱朕禮記曰授政任功曰予一人眈於鬼神曰有其甫言見詩

朕余躬身也

今人亦自呼為身

台朕賚界卜陽予也台音怡予上聲

賚、界皆賜與也與猶予也因通其名耳魯詩云陽如之何今巴濮之人自呼阿陽

肅延誘薦飲晉寅蓋進也飲音淡蓋音燼

禮記曰主人肅客詩曰亂是用飲王之蓋臣易曰晉進也寅未詳

羞餞迥烝進也

皆見詩禮

詔亮左右相導也

亮音涼相涼聲下同

皆謂教導之

詔相導左右助勸也

勸音慮

勸謂贊勉

亮介尚右也

紹介勸尚皆相佑助

左右亮也

反覆相訓以盡其義

緝熙烈顯昭皓頰光也

頰音襲

詩曰學有緝熙于光明又曰休有烈光

劼鞏堅篤擊虔膠固也

劼音黠鞏音拱擊音牽

劼虔皆見詩書易曰鞏用黃牛之革固志也擊然亦牢固之意

疇孰誰也

爾雅釋詁

卷之一

十一

嘗古婁

和古樓

易曰疇離祉

睚睚皇皇藐藐穆穆休嘉珍禕懿鑠美也

旺藐音邈禕音衣鑠音樂

穆穆已上皆美盛之貌其餘常語

諧輯協和也

輯音集

書曰八音克諧左傳曰百姓輯睦

關關雎雎音聲和也

雎音莊

皆鳥鳴相和

颯變和也

颯音協

書曰變友柔克

從申神加弼崇重也

重平聲

隨從弼輔增崇皆所以為重疊神所未詳

殷悉卒泯忽滅罄空畢罄殲拔殄盡也

殲音學罄

音計殲音仙

殷今直語耳忽然盡貌今江東呼厭極為

罄餘皆見詩

苞蕪茂豐也

蕪音無

苞叢繁蕪皆豐盛

摯斂屈收戢蒐哀鳩樓聚也

摯音秋蒐音搜

禮記曰秋之言摯摯斂也春獵為蒐蒐者以其聚人眾也詩曰屈此羣醜原隰哀矣

左傳曰以鳩其民樓猶今言拘樓聚也

肅齊遄速亟屢數迅疾也

肅音船亟音器數音朔

詩曰仲山甫徂齊

蹇駿肅亟遄速也

蹇音管駿音遠亟音急

詩曰不蹇故也駿猶迅速亦疾也

壑阬阬滕徵隍濂虛也

阬音坑濂音康

壑谿壑也阬阬謂阬壑也隍城池無水者方言云濂之言空也皆謂工墟耳滕徵未

詳

黎庶烝多醜師旅眾也

皆見詩

爾雅釋詁

卷之一

三

音古樓

恙寫惺盱繇慘恤懼憂也

惺音里盱音吁繇音遙

今人云無恙謂無憂也寫有憂者思散寫也詩曰悠悠我惺云何盱矣繇役以為憂

愁也

倫勤邛敕勤愉庸瘳勞也

勤音市邛音窮瘳音朶

詩曰莫之我勤維王之邛哀我瘳人國語曰無功庸者倫理事務以相約敕亦為勞勞苦者多惰愉今字或作窳同

勞來強事謂剪篲勤也

勞去聲強上聲篲音遂

詩曰職勞不來自勉強者亦勤力者由事事故為勤也詩曰迫其謂之剪篲未詳

悠傷憂思也

思去聲

皆感思也

懷惟慮願念怒思也

怒音弱

詩曰怒如調飢

祿祉履戩祓禘禡祐福也

戩音翦祓音廢禡音斯

爾雅

釋詁

卷之一

五

音占婁

詩曰福履綏之俾爾戩穀被祿康矣禔禔
書傳少見其義未詳

禋祀祠蒸嘗禴祭也禴音

書曰禋于六宗餘者皆以為四時祭名也

儼恪祗翼諄恭欽寅煖敬也恪音確諄音善

儼然敬貌書曰夙夜惟寅詩曰我孔煖矣

諄未詳

朝旦夙晨峻早也峻音俊

峻亦明也

頌埃替戾底止俟待也頌音須埃音俟

書曰俟我后今河北人語亦然替戾底者

皆止也止亦相待也

嘯幾裁殆危也嘯音聿裁音哉

幾猶殆也嘯裁未詳

幾汔也幾音祈汔音蓋

謂相摩近

爾雅釋詁

卷之一

十六

音占婁

治肆古故也

治未詳肆古見詩書

肆故今也

肆既為故又為今今亦為故故亦為今此

義相反而兼通者事例在下而皆見詩

惇音篤宜音宜拈音拈篤音篤擊音擊仍音仍毗音毗埤音埤竺音竺腹音腹厚音厚也

頻仍埤益毗輔皆重厚擊然厚貌餘皆見

詩書

載謨食詐偽也

載者言而不信謨者謀而不忠書曰朕不

食言

話猷載行訛言也

詩曰慎爾出話猷者道道亦言也周禮曰

作盟詛之載今江東通謂語為行世以妖

言為訛

爾雅釋詁

卷之一

十七

音古婁

遘逢過也

遘音構

謂相遘遇

遘逢遇遯也

遯音悟

轉復為相觸遯

遘逢遇遯見也

行而相值即是見

顯昭覲釗覲見也

釗音昭

顯昭明見也逸書曰釗我周王

監瞻臨泣頰相視也

泣音利頰音糶相去聲

皆謂察視也

鞠訥溢盈也

詩曰降此鞠訥

孔魄哉延虛無之言問也

問夫聲

孔穴延魄虛無皆有間隙餘未詳

瘞幽隱匿蔽竄微也

瘞音意

微謂逃藏也左傳曰其徒微之是也

爾佳釋詁

卷之一

十六

音其

訖徽妥懷安按普戾底廢尼定曷遏止也

妥者坐也懷者至也按抑按也普廢皆止住也戾底義見詩傳國語曰戾久將底孟于曰行或尼之今以逆相止為遏微未詳

豫射厭也

射音亦

詩曰服之無斃豫未詳

烈績業也

謂功業也

績勳功也

謂功勞也

功績質登平明考就成也

功績皆有成詩曰質爾民人禮記曰年穀不登穀梁傳曰平者成也事有分明亦成濟也

桔梗較頰庭道直也

桔音谷較音角頰音挺

桔梗較頰皆正直也詩曰既庭且碩頰道

無所屈

密康靜也

皆安靜也

豫寧綏康柔安也

皆見詩書

平均夷弟易也

易去聲

皆謂易直

矢弛也

弛音矢

弛放

弛易也

易去聲

相延易

希寡鮮罕也

鮮上聲下同

罕亦希也

鮮寡也

謂少

酬酢侑報也

酢音昨侑音又

爾雅

卷之二

二

肯古婁

商雅 卷之一 和古

此通謂相報答不主于飲酒

毗劉暴樂也 暴音剝 樂音洛

謂樹木葉缺落蔭疏暴樂見詩

覲髮弗離也 覲音陌 髮音弗

謂草木之叢茸翳薈也弗離卽彌離彌離

猶蒙龍耳孫叔然字別爲義失矣

蠱諛貳疑也 諛音酒

蠱惑有貳心者皆疑也左傳曰天命不諛

楨翰儀榦也

詩曰維周之翰儀表亦體榦

彌棊輔比備也 棊音匪 比音去 聲備音甫

書曰天威棊忱易曰比輔也備猶輔也

疆界邊衛圍垂也 圍音詔

疆場境界邊旁營衛守圍皆在外垂也左

傳曰聊以固吾圍也

昌敵疆應丁當也

爾雅釋詁 卷之一 三 皆古婁

書曰禹拜昌言彊者好與物相當值

淳肩搖動蠢迪俶厲作也

淳然興作貌蠢動作也公羊傳曰俶甚也

穀梁傳曰始厲樂矣肩見書迪未詳

茲斯咨些已此也

些音紫

些已皆方俗異語

嗟咨嗟也

嗟音嗟

今河北人云嗟嘆音兔且之且

閑狎串貫習也

貫音慣

串厭串貫貫伏也今俗語皆然

曩塵佇淹畱久也

塵垢佇企淹滯皆稽久也

逮及暨與也

公羊傳曰會及暨皆與也逮亦及也

隲假格陟躋登陞也

隲音質假音遐

方言曰魯衛之間曰隲梁益曰格禮記曰

天王登遐公羊傳曰躋者何陞也

揮盞歇涸竭也

盞音漉 涸音鶴

月令曰無漉陂池國語曰水涸而成梁揮

振去水亦為竭歇通語

拒拭刷清也

拒音振 刷音說

振訊技拭掃刷皆所以為潔清

鴻昏於顯間代也

於音烏 間去聲

鴻雁知運代昏主代明明亦代昏顯即明

也間錯亦相代於義未詳

饁饜饋也

饁音餉 饋音櫃

國語曰其妻饁之

遷運徙也

今江東通言遷徙

秉拱執也

兩手持為拱

歛熙興也

歛音 興音

爾雅釋詁

卷之一

三

省古婁

書曰庶績咸熙厥見周官

衛蹶假嘉也

蹶音貴
假音暇

詩序曰假樂嘉成王也餘未詳

廢稅赦舍也

舍音捨

詩曰召伯所稅舍放置

棲遲慙休苦歛隸咽息也

慙音器
歛音快
隸音逮
咽音四

棲遲遊息也苦勞者宜止息慙見詩歛隸

咽皆氣息貌今東齊呼息為咽也

供時共具也

時音痔
共音供

皆謂備具

惓憐惠愛也

惓音某

惓憐鄭語今江東通呼為憐

娠蠢震懣妯騷感訛蹶動也

娠音振
懣音抽
妯音抽

娠猶震也詩曰憂心且妯無感我悅兮或

寢或訛蠢懣騷蹶皆搖動貌

覆察副審也

爾雅釋詁

卷之一

二

音古婁

覆校察視副長皆所為審諦

契滅殄絕也

契音屑

今江東呼刻斷物為契斷

郡臻仍迺侯乃也

迺音乃

迺即乃餘未詳

迪繇訓道也

繇音猷

義皆見詩書

僉咸胥皆也

東齊曰胥見方言

育孟耆艾正伯長也

長上聲

育養亦為長正伯皆官長

艾歷也

長者多更歷

歷秭算數也

秭音姊
算音筭

歷歷數也今以十億為秭論語云何足算也

爾雅釋詁

卷之二

五

借古婁

歷傳也

傳音附

傳近

艾歷覲胥相也

覲音脈

覲謂相視也公羊傳曰胥盟者何相盟也

艾歷未詳

又亂靖神弗泐治也

泐音骨

論語曰予有亂臣十八泐書序作汨音同

耳神未詳餘見詩書

頤艾育養也

汝頰梁宋之間曰艾方言云

沃渾隕墜也

沃音犬

沃渾皆水落貌

際接熒捷也

熒音煞

捷謂相接續也

苾神溢慎也

苾音秘

神未詳餘見詩書

爾雅釋詁

卷之一

三

皆古婁

鬱陶繇喜也

孟子曰鬱陶思君禮記曰人喜則斯陶陶斯詠詠斯猶猶即繇也古今字耳

馘穢獲也

馘音號 穢音霽

今以獲賊耳為馘獲禾為穢並見詩

阻艱難也

皆險難

剡矍利也

剡音掩 矍音累

允任壬佞也

詩曰以我剡耜

書曰而難任人允信者佞人似信壬猶任也

俾拚抔使也

拚音崩 抔音烹 使去聲

皆謂使令見詩

俾拚抔使從也

四者又為隨從

爾雅釋詁

卷之一

三

皆古農

儀仍因也

皆謂因緣

董督正也

皆謂御正

享孝也

享祀孝道

珍享獻也

珍物宜獻穀梁傳曰諸侯不享觀

縱縮亂也

縱放掣縮皆亂法也

探篡俘取也

探音貪
俘音孚

書曰俘厥寶玉篡者奪取也探者摸取也

徂在存也

以徂為存猶以亂為治以曩為曩以故為

今此皆詁訓義有反覆旁通美惡不嫌同

名

在存省士察也

書曰在璿璣玉衡士師官亦主聽察存卽在

烈栱餘也

栱音邊

晉衛之間曰檠陳鄭之間曰烈

迂迎也

公羊傳曰跛者迂跛者

元良首也

左傳曰狄人歸先軫之元良未聞

薦摯臻也

薦進也摯至也故皆為臻臻至也

賡揚續也

書曰乃賡載歌揚未詳

祔旒祖也

祔音付旒音鬼

祔付也付新死者於祖廟旒毀廟主

卽尼也

尼音昵

爾佳釋詁

卷之一

无

皆古其

後牙 卷之一 稽古

即猶今也尼者近也尸子曰悅尼而來遠

尼定也

尼者止也止亦定

邇幾暱近也

幾音機

暱親近也

妥安坐也

禮記曰妥而后傳命

貉縮綸也

貉音陌

綸者繩也謂牽縛縮貉之今俗語亦然

貉嘆安定也

嘆音莫

皆靜定見詩

伊維也

發語辭

伊維侯也

詩曰侯誰在矣互相訓

時寔是也

寔音石

爾雅釋詁

卷之一

三

音五其

夜牙 卷之一 稽古樓

公羊傳曰寔來者何是來也

卒猷假輟已也

猷假未詳

求曾在卒就終也

曾音由

詩曰崩先公爾曾矣成就亦終也其餘未

詳

崩薨無祿卒殂落殪死也

殪音意

古者死亡尊卑同稱耳故尚書堯曰殂落

舜曰陟方乃死

爾雅釋詁 卷之一 稽古樓

爾雅卷之二終

爾雅卷之二

晉郭璞註

釋言第二

殷齊中也

書曰以殷仲春釋地曰炬齊州以南

斯謔離也

謔音侈

齊陳曰斯謔見詩

謔興起也

謔音速

爾雅釋言

卷之二

一

晉郭璞

禮記曰尸謏

還復返也

還音旋

皆迴返也

宣徇徧也

徇音旬

皆周徧也

駟遽傳也

駟音日

皆傳車駟馬之名

蒙荒奄也

奄奄覆也皆見詩

告謁請也

告音谷

皆求請也

肅隤聲也

詩曰肅隤和鳴

格懷來也

書曰格爾眾庶懷見詩

眡底致也

爾雅釋言

卷之二

二

省

皆見詩傳

侈怙恃也 侈音是

今江東呼母為侈

律適述也

皆敘述也方俗語耳

俞奮然也 奮音答

禮記曰男唯女俞奮者應也亦為然

豫臚敘也

皆陳敘也

庶幾尙也

詩曰不尙息焉

觀指示也

國語曰且觀之兵

若惠順也

詩曰惠然肯來

敖撫傲也 撫音呼

禮記曰無憚無敖傲慢也

幼鞠穉也

書曰不念鞠子哀

逸僇過也僇音古

書曰汝則有逸罰

疑休戾也

戾止也疑者亦止

疾齊壯也

壯壯事謂速也齊亦疾

械褊急也械音亟

皆急狹

貿賈市也賈音古

詩曰抱布貿絲

屏陋隱也屏音費

禮記曰屏川席書曰揚側陋

邊筵逮也筵音誓

爾雅釋言

卷之三

四

音古

有牙 卷之二 和

東齊曰遏北燕曰遂皆相及逮

征邁行也

詩曰王于出征邁亦行

圯敗覆也

圯音
謂毀覆

荐原再也

荐音
易曰水荐至今呼重蠶為蠶

撫救撫也

撫音
武

撫愛撫也救寧見書

臞脉瘠也

臞音
齊人謂瘠為脉

桄頰充也

桄音
皆充盛也

屢暱亟也

亟音
親暱者亦數亟亦數也

靡罔無也

爾雅釋言 卷之三 五 皆

爽差也爽忒也

差音義

皆謂用心差錯不專一

佻貳也

佻音二

俱次為副貳

劑翦齊也

南方人呼剪刀為劑刀

饋饅稔也

饋音餽 饅音溜

今呼簋飯為饋饅熟為饅

媵將送也

左傳曰以媵秦穆姬詩曰遠于將之

作造為也

養餼食也

養音非

方言云陳楚之間相呼食為養

鞫究窮也

皆窮盡也見詩

涵矜鹹苦也

爾雅

釋言

卷之三

六

管上婁

滴苦地也可於憐者亦辛苦苦即大鹹

干流求也

詩曰左右流之

流草也草延也

皆謂蔓延相被及

佻偷也

佻音挑

謂苟且

潛深也潛深測也

測亦水深之別名

穀鞠生也

詩曰穀則異室

啜茹也

茹音汝

啜者拾食

茹虞度也

皆測度也詩曰不可以茹

試式用也

爾雅釋言

卷之二

七 音古婁

見詩書

誥誓謹也

皆所以約勤謹戒眾

競逐疆也

皆自勉疆

禦圍禁也

禁制

室狸塞也

狸音

謂塞孔穴

黼黻彰也

黼音甫 黻音弗

黼文如斧黻文如兩已相背

膺身親也

謂躬親

愷悌發也

發發行也詩曰齊子愷悌

髦士官也

爾雅釋言

卷之三

入

晉古集

爾雅

卷之二

禾下本

取俊士令居官

峻農夫也

峻音俊

今之嗇夫是也

蓋割裂也

蓋未詳

邕支載也

皆方俗語亦未詳

誣諉累也

誣音水

以事相屬累為誣諉

漠察清也

皆清明

庇麻廕也

今俗語呼樹陰為麻

穀履祿也

書曰既富方穀詩曰福履將之

履禮也

爾雅釋言

卷之二

九

音古婁

禮可以履行見易

隱占也

隱度

逆迎也

慳曾也

慳音慘

發語辭見詩

增益也

今江東通言增

窶貧也

窶音巨

謂貧陋

夢隱也

夢音愛

謂隱蔽

俊吧也

俊音愛吧音過

嗚吧短氣皆見詩

基經也

基業所以自經營

爾雅釋言

卷之二

十

釋古

基設也

亦為造設

祺祥也

謂徵祥

祺吉也

祥吉之先見

兆域也

謂塋界

肇敏也

書曰肇牽車牛

挾藏也

挾音叶

今江東通言挾

浹徹也

浹音接

謂霑徹

普廢也普滅也

亦為滅絕

速徵也徵召也

易曰不速之客

琛寶也

琛音

詩曰來獻其琛

探試也

刺探嘗試

髦選也

俊士之選

髦俊也

士中之俊如毛中之髦

俾職也

使供職

紕飾也

紕音

謂緣飾見詩

凌慄也

凌懷戰慄

慄慄也

戰慄者憂感

蠲明也

蠲清明貌

茅明也

左傳曰前茅慮無

明朗也

猷圖也

周官曰以猷鬼神祇謂圖書

猷若也

詩曰寔命不猷

偁舉也

詩曰偁爾戈

稱好也

物稱人意亦為好

坎律銓也

爾雅釋言 卷之二 三 稽古

易坎卦主法法律皆所以銓量輕重

矢誓也

相約誓

舫舟也

並兩船

泳游也

潛行游水底

迨及也

東齊曰迨

寘幼也

幼穉者寘昧

降下也

傭均也

齊等

疆暴也

疆梁凌暴

爾雅釋言

卷之三

十四

音五其

窈肆也

輕窈者好放肆

肆力也

肆極力

侏戴也

詩曰戴弁侏侏

瘞幽也

幽亦瘞也

鬣鬣也

鬣音離
鬣音計
毛鬣所以為鬣

烘燎也

燎音料
謂燒燎

堪炷也

炷音頃
今之三隅竈見詩

陪朝也

陪位為朝

康苛也

謂苛刻

樊藩也

謂藩籬

賦量也

賦稅所以評量

糗糧也

今江東通言糗

庶侈也

庶者眾多為奢侈

庶幸也

庶幾僥倖

筑拾也

筑音竹

謂拾掇

樊駟也

樊音壯 駟音祖

今江東呼大為駟駟猶廢也

爾雅釋言

卷之二

六

爾雅釋言

爾雅釋言

爾雅

卷之二

和

集會也

舫汭也

舫音方
汭音杼

水中箛筏

洵均也

謂調均

洵龕也

龕音堪

未詳

逮逯也

逯音啓

今荆楚人皆云逯

是則也

是事可法則

畫形也

畫者為形像

賑富也

賑音軫

謂隱賑富有

局分也

分去聲

爾雅釋言

卷之三

十七

稽古堂

謂分部

濟怒也

濟音

詩曰天之方憺

憺聲也

憺音

謂聲音

葵揆也

詩曰天子揆之

揆度也

商度

逮及也

怒飢也

怒音

怒然飢意

眡重也

眡音

謂厚重見左傳

獵虐也

凌獵暴虐

爾雅釋言

卷之二

夫

爾雅

土田也

別二名

戍邊也

戍守所以止寇賊

帥人也

謂人眾

砢鞏也

砢音確

砢然堅固

棄忘也

賈閑也

賈音放

噐然閑暇貌

謀心也

謀慮以心

獻聖也

諡法曰聰明睿智曰獻

里邑也

爾雅釋言

卷之三

九

音

和古博

謂邑居

襄除也

詩曰不可襄也

振古也

詩曰振古如茲猶云久若此

懟怨也

懟音隊

縹介也

縹音離

縹者繫也介猶匭

號諱也

號音豪 諱音呼

今江東皆言諱

凶咎也

苞積也

今人呼物叢緻者為積

迨寤也

迨音寤

相干寤

題題也

題音訂

爾雅釋言

卷之二

平

稽古

題額也詩曰麟之定

猷肯可也

詩曰猷來無棄肯今通言

務侮也

詩曰外禦其務

貽遺也

相歸遺

質買也

廣二名

賄財也

甲狎也

謂習狎

茨騅也茨亂也

茨音祖
亂音患

詩曰毳衣如茨茨草色如騅在青白之間

粢餐也

餐音孫

今河北人呼食爲粢

詩注釋言

卷之二

主

音注書

爾雅

卷之二

和古

渝變也

謂變易

宜有也

詩曰與子宜之

夷悅也

詩曰我心則夷

顛頂也

頭上

耄老也

八十為耄

輶輕也

輶音西

詩曰德輶如毛

儻淺也

儻音淺

詩曰小戎儻收

綯絞也

綯音簡

糾絞繩索

爾雅

釋言

卷之二

三

音古

訛化也

詩曰四國是訛

跋躐也

躐音獵

詩曰狼跋其胡

蹇踳也

蹇音致踳音劫

詩曰載蹇其尾

烝塵也

人眾所以生塵埃

戎相也

相佐助

飫私也

飫音裕

宴飲之私

孺屬也

謂親屬

幕暮也

幕然暮夜

爾雅釋言

卷之二

二

信古樓

燭熾也熾盛也

互相訓燭義見詩

柢木也

柢音邸

謂根本

窈閒也

閒音閑

窈窕間隙

淪率也

相率使

罹毒也

憂思慘毒

檢同也

模範同等

邶過也

道路所經過

遜逐也

謂逃去

爾雅釋言

卷之二

音

音

斃踣也

斃音弊 踣音迫

前覆

僨偃也

僨音冀 偃音姜

卻偃

眵殄也

謂殄絕

曷盍也

盍何不

稽古楊

虹潰也

潰音會

謂潰散

陪闇也

陪音暗 闇音暗

陪然冥貌

翻膠也

翻音迄

膠黏翻

孔甚也厥其也夏禮也

謂常禮

爾雅釋言

卷之三

五

信古集

宿牙

閣臺也

閣音都

城門臺

囚拘也

謂拘執

攸所也展適也

得自申展皆適意

鬱氣也

鬱然氣出

宅居也

休慶也

祈叫也

祈祭者叫呼而請事

濬幽深也

濬亦深也

哲智也

弄玩也

爾雅釋言

卷之二

三

稽古樓

稽古樓

尹正也

謂官正也

皇匡正也

詩曰四國是皇

服整也

服御之令齊整

聘問也

見穀梁傳

愧慙也

殛誅也

殛音棘

書曰鯀則殛死

克能也翌明也

書曰翌日乃瘳

訥訟也

言訥讒

晦冥也奔走也逡退也

爾雅釋言

卷之二

毛

皆古妻

外傳曰已復於事而遂

寔仆也仆音卦

頓躓倒仆

亞次也諭音審

相思念

屆極也

有所限極

弁同也弁音掩

詩曰奄有龜蒙

弁蓋也

謂覆蓋

恫痛也恫音通

詩曰神罔時恫

握具也

謂備具

振訊也

振者奮迅

闕恨也

闕音隙

相怨恨

越揚也

謂發揚

對遂也

詩曰對揚王休

燬火也

詩曰王室如燬燬齊人語

懈怠也

宣緩也

謂寬緩

遇偶也

偶爾相值遇

曩鄰也

國語曰曩而言戲也

爾雅釋言

卷之二

无

皆古

惶暇也惶音皇

詩曰不遑啓處

宵夜也

懊忤也懊音與忤玩上聲

謂變忤

惕貪也惕音概

謂貪羨

摭拄也摭音枝拄音法

相摭拄

裁節也竝併也

詩曰竝坐鼓瑟

卒既也

既已

槽慮也槽音囚

謂謀慮也

將資也

爾雅釋言

卷之二

三

稽古樓

謂資裝

繻紕也 繻音紕 紕音拱

今人呼縫紕衣為繻

遞迭也 遞音替

更迭

矧况也

譬况

廩鮮也 廩鮮去聲

或說云即倉廩所未詳

遁逃也 遁音換

亦見禮記

訊言也

相問訊

間覘也 間音諫 覘音顯

左傳謂之謀今之細作也

沅沆也 沅音云 沆音亢

水流滂沆

干扞也

相扞衛

趾足也

足脚

跣別也

跣音荆

斷足

襄駕也

書曰懷山襄陵

忝辱也煥煖也

煥音郁

今江東通言煥

塊塿也

塿音辟

土塊也外傳曰枕凹以塿

將齊也

謂分齊也詩曰或肆或將

餽餽也

爾雅釋言

卷之二

三

稽古樓

糜也

啓跪也

小跣

勝密也

勝音棉

謂綴密

開闢也

書曰闢四門

袍襦也

襦音檢

左傳曰重襦衣裘

障眇也

謂壅障

覘姑也

姑音滑

血姑然

鸞麋也

鸞音竹

淖麋

舒緩也

爾雅釋言

卷之二

三

晉書

爾雅

卷之二

利

謂遲緩

翮

翮音陶
翮音導

今之羽葆幢

翳

舞者所以自蔽翳

墀

城池空者為墀

芼

芼也

謂拔取菜

典經也威則也

威儀可法則

苛

苛音戲

煩苛者多嫉

芾

芾音貝

芾者小貌

迷惑也狃復也

爾雅釋言

卷之二

三

利古樓

狙伏復為

逼迫也般還也般音班 還音旋

左傳曰般馬之聲

班賦也

謂布與

濟渡也濟成也濟益也

所以廣異訓各隨事為義

緡綸也緡音民

詩曰維絲伊緡緡繩也江東謂之綸

辟歷也

未詳

漦盞也漦音離 盞音鹿

漦漦出涎沫

寬綽也

謂寬裕也

袞黻也

爾雅

卷之二

釋古

衮衣有黻文

皇華也

釋草曰蔓華榮

昆後也

謂先後方俗語

彌終也

終竟也

爾雅卷之二終

